

garsoí tasai ganaagidana ñiooquidá maiduaadimudacada tomasi ami oidacami λλρλ garvui vaatacatadai. ³ Aidasi ganaagidi aatama Diuusi ñiooquidá aatama ganaagidi mosacaasi ismaacada arvaavoi, dai maisiu soimaasi tagitoidacada ganaagidi aatama dai tomali maitanyaatagida araliditai. ⁴ Baiyoma Diuusi acovai garvuvaitu dai garotoi tasai ganaagidana Diuusi ñiooquidá dai gomaasi λgai ismaacada ganaagidi aatama. Aatama ivueeyi istumaasi Diuusi ipalidi dai maisiu istumaasi aoodami ipalidi. Diuusi λgai dai maata gariibadaga iscacalagadu ischo λλρλ. ⁵ Calaga maata aapima isaatama maitanvuiirumadai cal baimaasi ñiooqui ganaagidi masai garcaacana, dai aatama ganaagidi Diuusi ñiooquidá maisiu gamaitaa araliditai tumiñsi. Diuusi calaga maata vaasi gomaasi. ⁶ Tomali amo imidagai maitanaagidi aatama aapima masai saallicada siaa garduutudaiña dai tomali aa, calaga istuidimudai aatama isgantaaanadagi tataaanadami duucaí ojootosadacatai Suusi Cristo. ⁷ Baiyoma calaga gartaatacai ivuaadana aatama istumaasi aidasi gansaagida daraajatadai poduucái isduucái calaga gartaatacai nunuucadaiña amo ooqui gamaamara. ⁸ Aliasi ganoigadaitadai aatama dai saallicada ipaliditadai isganaagidagi Diuusi ñiooquidá. Baiyoma ipaliditadai aatama masgarcoodagi isdagitocai ganaagidagi Diuusi ñiooquidá. Saallicada ganoigadaitadai aatama cascada. ⁹ Giñaaduñi calaga tagito aapima siaasi gaaata vuaadana aatama dai gamaitacaiña cuaadagai aidasi gansaagida daraajatadai aatama dai ganaagidiña Diuusi ñiooquidá. Tasara dai tucara gaaata vuaadana aatama maisiaa ganduiña araliditai ganvustuidaga.

¹⁰ Aapima λλmadu Diuusi calaga maata siaa calaga daraajatadai aatama aapima vaavoitudadami gansaagida maisoimaasi ivuaadatai dai poduucái tomali amaadutai maitistui isgapiara garsuuligagi tomali amo istumaasicada. ¹¹ Dai maata aapima λλρλ isduucái calaga gartaatacai ganmamaatatuldiña aatama aapima Diuusi ñiooquidá, dai ganaapanaquidiña masai apiavaavoitudaiña, dai ganaagidiña λλρλ sai gaaagai masalgiadagi Diuusi. Dai vaasi gomaasi idui aatama λpan duucaí amo gaoga ivuudana gamaamaracada. ¹² Dai gomaasi idui aatama λλρλ masai calaga oidacana isducatai Diuusi ipalidi. Diuusi ganvaí masai λλmadu oidacana malca siaaco gataaanai λgai siaaco vaascatai siaa duutudai Diuusi.

¹³ Aidasi aatama ganaagidi Diuusi ñiooquidá aapima vaavoitu maisiu λagi garñiooqui duucaí baiyoma Diuusi ñiooquidá duucaí dai poduucuiava λgai. Cascada alia baigaralidi aatama Diuusicada. Dai govaa Diuusi ñiooquidá λgai dai gansoicai masai calgacara oidacana aapima ismaacada vaavoitudagi. ¹⁴ Giñaaduñi aidamasi vaavoitu aapima ganaaduñi soimaasi gantaatatuli, λpan duucaí λjudidíu ismaacada Judeera oidaga ismaacada ganampaidi siaa duutudaragai Diuusi vaatará vaavoitudaitai Suusi Cristo. λgai λgai vaa aaduñda soimaa

taatamituldi λλpλ. ¹⁵ Dai λgai vaa judidíu ismaacλdλ soimaasi taatatuli gλnaaduñi λgai dai muua λSuusi dai soimaasi gartaatatuli aatama λλpλ. Poduucai idui λλpλ aadiñdλcardu coi Diuusi ñiñoquituldiadamigadλ ismaacλdλ aagiditadai Diuusi ñiñoquidλ. λgai gia maitivueeyi istumaasi Diuusi ipλlidi. Baiyoma mosvuidar vλλatλcana λgai vλλscatai.

¹⁶ Siλλscadλ aagida λrλliada aatama λgai ismaacλdλ maitarjudidíu sai λgai λλpλ istutuidi iscλλgacλrλ vuvaquiagi vaidλ λjudidíu garsobicλiña tasai maiaagidana. Dai poduucai vaamioma soimaasi ivueeyi λgai. Damos sivi gia casoimaasi taatatuldamu Diuusi λgai.

¹⁷ Aidasi guvucadacλdλ gandagito aatama chilλqui tasai aliasi gantatagitoiña aatama. Otoma garaaga aatama dai gannλidaragai dai maiquiaa istui. ¹⁸ Aatama gamu iimia ragaitadai dai gannλida ragaitadai, dai aana gia muiyoco gamu imia iñaagaiña damos vλλscara λDiaavora garsobicλiña. ¹⁹ Siλλscadλ λpamu diviagi gartaanλdamiga Suusi Cristo alia baigarλliadamu aatama λmapai daraajatai, cλga maata aatama isami daraajamu aapima λλpλ dai alia baigarλliadamu aatama tatagitoitai ismaimosλλgicλdλ λpλdui garaa duiñdaga gansaagida. ²⁰ Muidutai cλga ñiõocai aatama garvλatarλ λgaicλdλ ismaacλdλ idui aatama aapima gansaagida dai alia baigarλlidi aatama aapimacλdλ.

3 ¹ Cascadλ aidasi camaitistui aatama isvaamioma nanλracagi maimaatλcatai masduucai daraajatadai aapima, λpλrλlli aatama isλλgi viiyagi tami Ateenasiarλ ² dai ootosagi garaduñi Timoteo sai gannλidana. Goovai λramoco ismaacλdλ garsoicai Diuusi aa duiñdadarλ. Goovai gaaagidiña Diuusi ñiñoquidλ. Tλtai cascadλ gaamucu ootoi sai ganavλnaquidana dai gansoiñana masai vaamioma vaavoitudana aapima. ³ Sai tomali λmaadutai maiõojodaiña soimaa taatamaitai. Aapima cλga maata tasviaa issoimaa taatamadagi. ⁴ Dai aidasi quiaa gannλmadu daraajatadai aatama, aatama gnaagidiña tasai soimaa taata ragaitadai. Tai povλdui masducatai camaata aapima. ⁵ Cascadλ aidasi camaitistui aana isnanλracagi vaamioma ipiñλλli aana isootosagi Timoteo maataca iñlliditai masabai moλλ cλga vaavoitudai aapima. Polλiditadai aana isλDiaavora istutuidi issoimaasi ganduiñtuldagi isgaraa duiñdaga aapima gansaagida mosλλgi duuñimudai.

⁶ Dai goTimoteo cadivia λpamu mλλcadarλ dai cλgaducami ñiõoqui garvuaapi masai aapima moλλ cλga vaavoitudai dai gnoigadai aipacoga. Dai povartatλdai masai aapima gartatagitoi dai quiaa gnoigadai dai masai garλlida λlidi poduucai isduucai gannλida λrλlidi aatama. ⁷ Cascadλ garaaduñi tomasi alia soimaa taatama aatama alia baigarλlidi maatacai isaapima quiaa cλga vaavoitudai. ⁸ Cascadλ vaamioma sioma daraaja aatama maatacai masapiavaavoitudai gartaanλdamiga Suusi Cristo. ⁹ Vλλsi gomaasicλdλ alia baigarλlidi

aatama Diuusicada. ¹⁰ Tasa da tucara daana aatama Diuusi sai garmaacana oigaragai tatai apamu gannida aatama dai gansoiñagi mai vaamioma caga vaavoituda aapima.

¹¹ Daida ipalidi aatama isDiuusi garooga amadu gartlaanadamiga Suusi Cristo otoma garootosagi gaamucu tatai gannida aatama.

¹² Daida ipalidi aatama lapa isDiuusi garsoiñagi mai vaamioma ganoigada aapima aipacoga dai aa lapa. Poduucai isduucai ganoigadai aatama. ¹³ Vai Diuusi gansoiñana mai vaamioma vaavoituda aapima dai poduucai camaisoimaasi ivuaadagi Diuusi vuitapi dai maitarsoimaasi iducamicagi siascada diviagi gartlaanadamiga Suusi Cristo amadu vascatai ismaacada vaavoitudai.

4 ¹ Sivi gia garaaduñi atlaanadami Suusi Cristo garmaa sallicami isganaagida aatama amo istumaasi. Casi ganaagidi aatama isducatai gaaagai masoidacagi vai Diuusi baigaliadagi aapimacada dai aapima poduucai oidaga dai sivi gandaani aatama dai ganaagidi masai moduucai oidacana.

² Caga maata aapima isducatai ganaagidi aatama masaida ivuaadana atlaanadami Suusi Cristo garmaa sallicami cascada. ³ Diuusi ipalidi masaida ivuaadana mosacaasi istumaasi lagi ipalidi dai masai maigoogosi ganducamicana. ⁴ Dai calali gaaagai issiaa duutuadagi ganoñiga dai maisoimaa taatamituldiadagi ⁵ dai maisiu ivuaadagi lagaicada istumaasi ipalidi isducatai ivueeyi lagi ismaacada maivaavoitudai Diuusi mosacaasi isducatai gaaagai. ⁶ Dai tomali amaadutai maitlaagai isasiadagi gaaaduñi oñigada, Diuusi alia soimaa taatamituldi siora pomaasi ivuaadagi poduucai isducatai casi ganaagidi aatama. ⁷ Diuusi acovai garvuvaitu aatama tsaida ivuaadana istumaasi cagaducami dai maisiu soimaasi. ⁸ Poduucai siora gajiaadara viaagi idi maatatuldaragai gajiaadara vipieeyi Diuusi maisiu oodami. Diuusi lagi ismaacada garmaacai lagi galbadaga.

⁹ Damos aana gia camaiviaa isganaagidagi isgaaagai masoigladagi ganaaduñi, Diuusi casi ganmaatutuli isducatai gaaagai masganoigladagi aipacoga. ¹⁰ Aapima gia poduucai ivueeyi vasi vaavoitudadami Masedooniara oidacami amadu. Dai gandaani aatama garaaduñi masai vaamioma ganoigadaiña. ¹¹ Cagacara avlar oidaca, dai tagitocavurai lagi ganaa duiñdagara, cagavar gaaata vuada tsduucai casi ganaagidi, ¹² vai siaa ganduutudaiña ismaacada maitarvaavoitudadami dai vai maivilagacana istumaasi ganquiiyara.

¹³ Garaaduñi aatama ipalidi masmaatcagi isducatai apavueeyi acoidadacada mai aapima maisoigalliadagi apauucai lagi ismaacada maitagito isiimiagi Diuusi amadu. ¹⁴ Poduucai isducatai vaavoitudai aatama isSuusi muu dai apamu duaaca poduucai lapa gaaagai tsvaavoitudadagi sai Diuusi duduaacalda lagi ismaacada coiysi vaavoitudaitai Suusi Cristo.

¹⁵ Ismaacada ganaagidi aatama atlaanadami Suusi Cristo garmaatutuli sai aatama ismaacada maiquiaa coiyagi siascada diviagi Suusi Cristo maibaitaqui iimia ragai agai ismaacada cacoiyagi. ¹⁶ Agai lagi divia agai tavaagiañdara dai taaña agai amo tlaanadamigada Diuusi talaañicaruda sai iñoquidana vaavoitudadami trompeetagadacada Diuusi siotoma duduaacamu vaavoitudadami ismaacada coi ¹⁷ dai amapai iimimu ismaacada maiquiaa coiyagi amadu icomai saagida dai vuidara aimu atlaanadami siagai garvaidacaimu tavaagiamu siascara amadu daraajamu aatama.

¹⁸ Cascada idi ñooquicada avar ganaapanaquiada aipacoga.

5 ¹ Damos giñaaduñi aapima maitagito isganaagida aana siascada tomali istuigaco araduña agai gomaasi. ² Aapima calga maata sai atlaanadami divia agai siascada sioma mainanaracagi poduucai isduucai didivai amo asivogami tucara. ³⁻⁴ Siascada oodami ismaacada maivaavoitudai Diuusi dai tomali maiagidi istumaasi ipalidi pocaitiadagi: “Sivi gia calga gariibastacan tada aatama maitiipucatai istucada vuaama araliada aatama”. Amaasi agai sitodian duucai Diuusi ugititudamu agai. Poduucai siatodian duucai coocora amo ooqui siascada duaadia agadagi. Poduucai ismaacada maivaavoitudai maiviaacamu oigaldaragai. Damos aapima giñaaduñi maitarapan ducami agai ismaacada moscaasi soimaascami tatagitoña dai mainanara istuigaco divia agai atlaanadami poduucai isduucai amo oodami ismaacada mainanara amo asivogami. ⁵ Vascatai aapima gia vaavoitudai Diuusi dai agidi istumaasi agai ipalidi, cascada aapima arapan ducami amo calli ismaacada tasara aimarai siascada calga maasi oidigi. Aatama maitaragai ismaacada maivaavoitudai dai maiagidi istumaasi Diuusi ipalidi agai arapan ducami amo calli ismaacada tucapi aimarai. ⁶ Cascada aatama maitaagai tasi arapan ducamicagi agai ismaacada tomali amo imidagai maitatagitoi Diuusi agai arapan ducami amo calli coosocami, aliasi glaagai isapiatatagitoda aatama Diuusi dai calga gartatagitodagi maisiu aran duucai amo navamudada. ⁷ Ismaacada maitatagitoi Diuusi dai ismaacada aliasi arsoimaasi ivuaadami ducami istucapi ajioopadagi. ⁸ Damos aatama ismaacada vaavoitudai Suusi Cristo aliasi glaagai iscala gartatagitodagi maisiu aran duucai amo navamudada. Glaagai tasvascara apiavaavoitudadagi Suusi Cristo dai oigladagi vascatai dai poduucai garsoicadagi vai maitarmaitagi adiaavora aran duucai amo sandaaruu glaadai amo tagiña giacarui covocami dai gaicada gsoicaiña sai maituucugadara vaacana mastagada asaayuda. Dai glaagai tasapiavaavoitudadagi isDiuusi calgacara garvuvaida agai dai garvaavoidaragacada garsoicadagi aran duucai amo sandaaruu gsoicai amo vaiñomi vanamoicada. ⁹ Diuusi acovai garvuvaitu dai maisiu gargaavitulda agai baiyoma calgacara garvuvaida agai

tasvaavoitudagi gartlaanadamiga Suusi Cristo. ¹⁰ Agai agai dai muu aatama garvlaatara dai poduucai siasscada diviagi agai garvaidacaimu tasai amadu daraajana tomatascoiyagi siappa quiaa duduaacagi.

¹¹ Cascada apiaganaapanaquiadavurai aipacoga dai apiaaipacoga gansoicada poduucai masducatai casi ivueeyi.

¹² Garaaduñi gandaanai aatama masai siaa duutudaiña ismaacada aata vueeyi aapima gansaagida dai vaamioma tlaanai dai ganmaacai ñooqui isducatai glaagai masoidacagi vaavoitudaitai. ¹³ Agai ivueeyi Diuusi aa duiñdada cascada siaavar duutuada dai oigada. Maitavar ganvupui ñioocada.

¹⁴ Garaaduñi, ganaagidi aatama masai bagaiña ismaacada maita aata vueeyi, dai aapanaquiadavurai ismaacada duduaadicui mosaa soimaa taatamitulditai agai oodami dai aapanaquiadavurai ismaacada camaicanga vaavoitudada dai maitavar oojoada tomali amaadutai.

¹⁵ Gannucadacavurai dai maisoimaasi ivuiidiada ismaacada soimaasi ganvuiidiadagi baiyoma avar vaascara canga ivuiidiada vaascatai.

¹⁶ Dai vaascara avar baiganaliada. ¹⁷ Dai vaascara avar gamamadada. ¹⁸ Dai vaasicada istumaasi apavuaadagi gansaagida glaagai masbaiganaliadagi Diuusicada. Poduucai ipalidi Diuusi masivuaadagi aapima ismaacada vaavoitudai Suusi Cristo.

¹⁹ Dagitovurai Diuusi Ilaada vai gansoiñana mai canga ganoigada aapima. ²⁰ Dai maitavar amapiadara vipiada ñooquida amo Diuusi ñooquituldiadamigada. ²¹ Damos canga avar gantagito caaca sabaiga arDiuusi ñooquida masmacada ganaagiadagi. SiarDiuusi ñooquidacagi varai vaavoituda. ²² Dai gajiaadara avar viaa vaasi soimaascada.

²³ Diuusi agai dai gariibastudacan taadatudai. Dai sai Diuusi maitandadagitoña massoimaasi ivuaadagi dai sai Diuusi nuucadacana ganiibadaga amadu gantatagitoidaga amadu gantuutucuga vai maitarsoimaasi iducamica aapima siasscada diviagi gartlaanadamiga Suusi Cristo. ²⁴ Agai ismaacada acovai ganvuvaitu vaascara ivueeyi istumaasi agai aagai dai saalicada gannucadacamu agai.

²⁵ Garaaduñi gamamadadavurai aatama garvlaatara.

²⁶ Diuuscada avar viaatulda vaascatai garaaduñi.

²⁷ Atlaanadami Suusi Cristo saalicamigadacada gandaanai aatama masai vaascatai vaavoitudadami vuitapi aagana idi oojai.

²⁸ Gartlaanadamiga Suusi Cristo calgacara gannaiña. Mosacaasi.